

長興高氏族譜序

夫譜也者普其言而迺一家之春秋也程夫子曰管攝天下人心收宗族厚風俗蘇明允曰孝悌之心油然而生蓋修譜之義其不重且大歟惟我高氏自乙那至數十世爲耽羅君長其實詳載於瀛洲誌逮麗代赫世軒冕連綿不絕有封長澤君卽今長興是也與濟州分貫始於此而屢經兵燹莫徵文獻故以檢校公諱福林爲起世之祖而後孫仍籍不知自耽羅君至長澤君爲幾世亦不知自長澤君至檢校公爲幾世也與杞宋之徵於夏殷不殊故這間節義功名文章道德撐柱乎宇宙爭先於日月者不爲不多而與時隨泯不能盡記斯非吾家之欠歎乎

自檢校公至曾孫叅議公諱臣傅值麗末國初不肯屈節就仕
我太宗大王至有待同年何太薄之 教則其因僕之清風
高節不愧於周之首陽宋之栗里生諱悅以松京王氏益原大
君昭之外孫耻外家之黜而終身隱德不仕我 朝贈戶曹叅
判生諱尚志尚德尚志彰信校尉 贈左通禮尚德文科司憲
府持平趾父祖之烈而節義道德炳烺於世為我宗之所共祖
也自後氏葉蕃衍簪組輩出不亦休哉嗚呼視其祖則均是子
孫也而若不明辨昭穆敦尚彝倫則以一人之身而將至於路
人誰知今日之路人即昔日一人之身乎故自昨春列郡分居
之雲仍始發同譜之議寔自累式大同譜以後所創也同聲相

應捷於桴鼓影響而無生圭角其非承先裕後之大幸哉同心
合單劓劓之役今至完了則竊願 僉宗體念先賢之厚風俗
明孝悌之義互相服膺而益勉親親勿以踈遠而忽之勿以寒
微而卑之今日之親親皆由於自先世而有斯修也其可忽乎
其可已乎使後屬效今日之親親亦如今日之效先世之親親
則明繼之詳序倫之樂不替引之至于無窮盍相勉哉拱手而
俟之

歲己巳仲春之月申澣後孫光茂謹序